



Llywodraeth Cymru
Welsh Government

Fframwaith Datblygu Cenedlaethol

Datganiad Cyfranogiad y Cyhoedd

Cyhoeddwyd gyntaf: Tachwedd 2016

Diwygiad cyntaf: Mehefin 2017

Fersiwn ymgynghorol: Ebrill 2018

Byrfoddau

ACI	Arfarniad Cynaliadwyedd Integredig
AG/AAS	Arfarniad o Gynaliadwyedd/Asesiad Amgylcheddol Strategol
ARhC	Asesiad Rheoliadau Cynefinoedd
FfDC	Fframwaith Datblygu Cenedlaethol
CY	Cynllun Ymgysylltu
DCC	Datganiad Cyfranogiad y Cyhoedd
LIC	Llywodraeth Cymru

Cynnwys

1	Cyflwyniad	4
2	Y Broses Baratoi	5
3	Cyfranogi	6
4	Arfarniad Cynaliadwyedd Integredig ac Aseidiadau Rheoliadau Cynefinoedd	9

1 Cyflwyniad

- 1.1 Bydd Llywodraeth Cymru yn paratoui Fframwaith Datblygu Cenedlaethol (FfDC) i Gymru. Bydd y FfDC yn gynllun datblygu ar gyfer Cymru gyfan. Bydd yn nodi ein polisiâu cynllunio cenedlaethol ar gyfer yr 20 mlynedd nesaf a bydd yn mynegi'n ofodol amcanion economaidd, cymdeithasol ac amgylcheddol hirdymor Llywodraeth Cymru. Bydd y FfDC yn rhan o'r cynllun statudol ar gyfer gwneud penderfyniadau ar geisiadau cynllunio a bydd yn helpu i benderfynu ar Ddatblygiadau o Arwyddocâd Cenedlaethol.
- 1.2 Bydd y FfDC yn nodi lleoliadau strategol ar gyfer twf a seilwaith a thrwy gysylltu newid a buddsoddi, bydd yn gwneud gwahaniaeth cadarnhaoli Gymru. Bydd y FfDC yn amlinellu dyfodol uchelgeisiol i Gymru ac yn darparu ar gyfer penderfyniadau ar bob lefel a fydd yn gallu helpu i ddarparu dyfodol gwell.
- 1.3 Rydym yn ymrwymedig i sicrhau y bydd y cyhoedd yn ymgysylltu'n helaeth â'r broses o baratoi'r FfDC. Mae'r Datganiad hwn ar Gyfraniad y Cyhoedd yn nodi sut y bydd Llywodraeth Cymru yn cynnwys pobl yn ystod pob cam o ddatblygiad y FfDC, ac yn sicrhau bod pobl yn gwybod sut a phryd i ymgysylltu â'r broses o'i baratoi.
- 1.4 Mae pawb yn rhanddeiliaid yn y FfDC, o ystyried ei bwysigrwydd o ran darparu fframwaith ar gyfer datblygiadau newydd ledled Cymru gyfan. Rydym yn croesawu ac yn annog sylwadau gan bawb, ac mae gan pob grŵp, sefydliad, busnes ac unigolyn gyfraniad i'w wneud o ran datblygu'r cynllun defnydd tir cenedlaethol.

2 Y Broses Baratoi

- 2.1 Mae'r amserlen ganlynol yn nodi'r camau a'r amserlenni ar gyfer paratoi'r FfDC ac yn dangos pryd y cynhelir yr ymgynghoriad ar y FfDC:-

Cam 1	Paratoi'r Datganiad Cyfranogiad y Cyhoedd	Ionawr 2016
Cam 2	Cyhoeddi ac ymgynghori ar y Datganiad Cyfranogiad y Cyhoedd (12 wythnos)	Chwefror – Ebrill 2016
Cam 3	Ystyried ymatebion i'r ymgynghoriad ar y Datganiad Cyfranogiad y Cyhoedd a pharatoi adroddiad ymgynghori	Mai – Medi 2016
Cam 4	Casglu tystiolaeth, datblygu'r weledigaeth, yr amcanion a'r opsiynau Ymgysylltu Cais am Dystiolaeth a Phrosiectau	Hydref 2016 – Mawrth 2018
Cam 5	Cyhoeddi ac ymgynghori ar y prif faterion, opsiynau a'r opsiwn a ffefrir, gyda chefnogaeth adroddiadau ac asesiadau amgylcheddol (12 wythnos)	Ebrill - Gorffennaf 2018
Cam 6	Ystyried ymatebion i'r ymgynghoriad ar y prif faterion, yr opsiynau a'r opsiwn a ffefrir a pharatoi adroddiad ymgynghori	Gorffennaf - Hydref 2018
Cam 7	Paratoi FfDC drafft Ymgysylltu	Hydref 2018 – Mehefin 2019
Cam 8	Ymgynghori ar y FfDC drafft (12 wythnos)	Gorffennaf – Medi 2019
Cam 9	Ystyried ymatebion i'r FfDC drafft a pharatoi adroddiad ymgynghori	Hydref 2019 – Mawrth 2020
Cam 10	Y Cynulliad yn ystyried y FfDC drafft (60 diwrnod 'eistedd')	Ebrill – Mehefin 2020
Cam 11	Cyhoeddi'r FfDC	Medi 2020

- 2.2 Mae'r amserlen baratoi yn sefydlu proses o ryw 4 blynedd ar gyfer mabwysiadu'r fframwaith. Mae'n cynnwys tri cham 12 wythnos penodol o ymgynghori â'r cyhoedd yng nghamau 2, 5 ac 8. Mae'r amserlen yn dangos ymrwymiad y Llywodraeth i baratoi'r FfDC a bydd yn rhoi digon o amser ar gyfer ymgysylltu ynghyd â thrafodaethau ystyrion. Ni ragwelir y bydd yr amserlen yn newid nac y bydd angen ymgynghoriadau ychwanegol. Bydd Llywodraeth Cymru yn parhau i adolygu'r sefyllfa ac yn cyhoeddi Datganiad Cyfranogiad y Cyhoedd newydd os bydd angen.
- 2.3 Bydd Llywodraeth Cymru yn sicrhau y bydd gwybodaeth am ddatblygiad y FfDC ar gael yn ystod holl gamau'r broses a bydd swyddogion ar gael i ddarparu cyngor a chefnogaeth.

3 Cyfranogi

- 3.1 Wrth ddatblygu'r Datganiad Cyfranogiad y Cyhoedd, mae Llywodraeth Cymru wedi ystyried sut y gall sicrhau:-
- y gall pobl gyfrannu at ddatblygiad y rhaglen gyfranogi;
 - bod yr ymgysylltu yn gynhwysol, yn agored ac yn dryloyw a bod pobl yn cael cyfle i gymryd rhan drwy gydol y broses;
 - mabwysiadu dull cydweithredol o weithio;
 - bod gwybodaeth ar gael yn hwylus; a
 - bod adborth ar gael ar y sylwadau a gaiff eu gwneud gydol y broses.
- 3.2 Bydd Llywodraeth Cymru yn cymryd tri cham allweddol i gynnwys aelodau'r cyhoedd wrth baratoi'r FfDC, sef:-
- **Gwybodaeth a Chefnogaeth** – sicrhau bod gwybodaeth ar gael am y FfDC drwy gydol y broses a bod cymorth ar gael i helpu pobl i gymryd rhan.
 - **Camau Ymgynghori Allweddol** – codi ymwybyddiaeth o ymgynghoriadau a chynnig cyfleoedd i gyflwyno sylwadau.
 - **Cynllun Ymgysylltu** – darparu cofnod tryloyw am ddiwyddiadau a fydd wedi'u cynnal a digwyddiadau sydd i ddod er mwyn sicrhau bod ymgysylltu wrth baratoi'r FfDC.

Gwybodaeth a Chefnogaeth

- 3.3 Wrth baratoi'r FfDC, mae Llywodraeth Cymru yn ymrwymedig i sicrhau bod pawb yn cael y cyfle i gael gafeael ar wybodaeth am y FfDC newydd; yn cael gwybod am y cynnydd sy'n cael ei wneud; ac yn gallu cysylltu â swyddogion i ddysgu mwy am y broses. Bydd yn gwneud y canlynol: -



Gwefan

- Mynediad i'r holl ddogfennau allweddol ar wefan Llywodraeth Cymru
- Esboniad o'r broses a'r amserlenni



Erthyglau a'r Wasg

- Erthyglau a datganiadau i'r wasg i godi proffil ac ysgogi ymgysylltu a thrafodaeth



Llinell gymorth ac E-bost

- Bydd yr Is-adran Gynllunio yn cynnig cymorth â phob agwedd ar broses y FfDC, gan gynnwys sut i gyflwyno sylwadau ac ymholiadau cyffredinol



Cylchlythyr

- Cyhoeddi cylchlythyr rheolaidd i gofnodi cynnydd ac i roi gwybod am y camau sydd i ddod



Y Cyfryngau Cymdeithasol

- Defnyddio'r cyfrif Twitter Gweinidogol a sianeli'r rhanddeiliaid i ledaenu gwybodaeth, i roi cyhoeddusrwydd i'r camau allweddol ac i anfon negeseuon atgoffa



Cronfa ddata ymgynghori

- Sefydlu cronfa ddata ymgynghori ar gyfer y FfDC a fydd ar gael i bawb ac a fydd yn cael ei defnyddio i roi'r wybodaeth ddiweddaraf i bartïon am y gwaith o baratoi'r FfDC

Prif Gamau'r Ymgynghori

- 3.4 Yn ystod camau 2, 5 ac 8, cynhelir ymarferion ymgynghori dros ddeuddeg wythnos. Mae'r rhain yn gerrig milltir allweddol yn y broses o greu'r FfDC, pan gaiff y dogfennau eu cyhoeddi ac y cawn eich barn arnynt. Y prif ffocws yn ystod y camau hyn yw rhoi cyhoeddusurwydd eang i'r ymgynghoriad, sicrhau bod y dogfennau a'r dystiolaeth y maent yn seiliedig arnynt ar gael ac annog pobl i'w hadolygu a chynnig sylwadau arnynt. Bydd y camau hyn yn hollbwysig o ran llunio'r FfDC ac mae'n bwysig bod pobl yn achub ar y cyfle i ystyried yr hyn sy'n cael ei gynnig ac i roi eu sylwadau.
- 3.5 Yn ogystal â'r gweithgareddau uchod, bydd Llywodraeth Cymru yn ystod y camau allweddol hyn yn cynnig nifer o ffyrdd amrywiol i'ch galluogi i roi eich barn ar y FfDC. Rydym yn bwriadu :-

Cyhoeddi dogfennau allweddol a thystiolaeth ategol

Bydd yr holl ddogfennau allweddol ar gael ar wefan LIC, gan gynnwys gwybodaeth am sut i gyflwyno sylwadau

Cyfarfodydd Uniongyrchol a Digwyddiadau

- Defnyddir cyfarfodydd un i un a/neu gyfarfodydd grŵp i roi cyhoeddusurwydd i ymgynghoriadau cyhoeddus ac i annog pobl i ymgysylltu
- Mynychu digwyddiadau cyhoeddus fel yr Eisteddfod a Sioe Frenhinol Cymru
- Cynnig ffyrdd anffurfiol ledled Cymru i bobol drafnod y FFDC gyda swyddogion Llywodraeth Cymru

Codi Ymwybyddiaeth

- Hysbysebion yn y wasg
- Y Cyfryngau Cymdeithasol
- Animeiddiadau
- Hysbysebion ar y we
- Straeon yn y cyfryngau

- 3.6 Bydd cam 3 hefyd yn cynnwys 12 wythnos o ymgynghori â'r cyhoedd. Bydd yr ymgynghoriad cychwynnol hwn yn canolbwyntio ar y broses ar gyfer paratoi'r FfDC a sut y bwriedir ymgysylltu â'r cyhoedd. Ni fydd yn canolbwyntio ar faterion cynllunio ac ni fydd yn gofyn am yr un lefel o weithgareddau ymgynghori ag ar gyfer camau 5 ac 8. Y ffocws yn ystod y cam hwn fydd cyfathrebu electronig a chyhoeddi dogfennau ar y wefan.

Y Cynllun Ymgysylltu


- 3.7 Mae'n bwysig pobl yn cael cyfle i gymryd rhan wrth i brif ddogfennau'r FfDC gael eu paratoi, a chyn iddynt gael eu cyhoeddi at ddibenion ymgynghori. Mae ymgysylltu effeithiol yn golygu y bydd pobl wedi cael y cyfle i lunio'r FfDC newydd cyn y camau ymgynghori, gan gynnwys darparu'r dystiolaeth y maent yn teimlo y dylai gael ei hystyried drwy gydol y broses.
- 3.8 Bydd Cam 4 yn cynnwys casglu tystiolaeth ac ymgysylltu i sicrhau bod cyfle i lywio'r broses o baratoi dogfen y Prif Faterion, yr Opsiynau a'r Opsiwn a Ffefrir. Hefyd, bydd rhagor o ymgysylltu yn ystod cam 7 i lywio'r broses o baratoi'r FfDC drafft y byddwn yn ymgynghori yn ei gylch yn ystod cam 8.

3.9 Bydd Llywodraeth Cymru yn paratoi Cynllun Ymgysylltu. Bydd hwnnw'n datblygu'r egwyddorion a nodir yma ac yn amlinellu rhaglen fanwl o ymgysylltu. Bydd yn gofnod o gyfarfodydd a digwyddiadau a fydd wedi'u cynnal wrth baratoi'r ar gyfer y FfDC a bydd yn cynnwys rhaglen o ddigwyddiadau ar gyfer y dyfodol. Bydd y CY yn ddogfen ddynamig a byw a fydd yn newid wrth i'r broses fynd yn ei blaen, ac a fydd yn dangos yr hyn a fydd wedi ac yn digwydd yn y dyfodol. Bydd y Cynllun Ymgysylltu ar gael ar wefan Llywodraeth Cymru a bydd yn gofnod tryloyw o'r ymgysylltu drwy gydol y broses o baratoi'r FfDC.

4 Arfarniad o Gynaliadwyedd ac Asesiad Rheoliadau Cynefinoedd

- 4.1 Mae cynnal Arfarniad o Gynaliadwyedd ar gyfer y FfDC yn orfodol dan Ddeddf Cynllunio a Phrynu Gorfodol 2004 (fel y'i diwygiwyd gan Ddeddf Cynllunio (Cymru) 2015) ac rhaid ymgorffori ystyriaeth i'r effeithiau ar ddefnydd o'r iaith Gymraeg. Mae angen cynnal Asesiad Amgylcheddol Strategol er mwyn asesu effaith cynllun ar ei gyfraniad tuag at wireddi datblygu cynaliadwy a sicrhau ei fod wedi ei integreiddio'n llawn yn y broses o baratoi cynllun.
- 4.2 Mae Llywodraeth Cymru wedi penderfynu integreiddio asesiadau eraill ag Arfarniadau o Gynaliadwyedd/Asesiadau Amgylcheddol Strategol, a bydd yn cynnal Arfarniad Integredig o Gynaliadwyedd. Un o'r ffyrdd allweddol o weithio sy'n rhan o'r egwyddor datblygu cynaliadwy yw'r angen i weithio mewn ffordd integredig ym mhopeth a wnawn. O ystyried natur a chwmpas y FfDC, rydym wedi ceisio integreiddio Arfarniadau o Gynaliadwyedd ac Asesiadau Amgylcheddol Strategol ag asesiadau statudol ac anstatudol eraill. Mae hynny'n rhoi golwg mwy cyflawn inni ar y goblygiadau o ran cynaliadwyedd ac ar y cyfleoedd sy'n codi o'r FfDC. Gan y bydd yr Asesiad o Gynaliadwyedd bellach yn un integredig, bydd yr asesiadau effaith ychwanegol a ganlyn hefyd yn cael eu hintegreiddio â'r Asesiad Integredig o Gynaliadwyedd:

Asesiadau Effaith Integredig



- Allwedd:
- Llywodraeth
 - Statudol
 - Nodau Llesiant
 - Asesiadau Effaith Integredig
 - Cydrannau Datblygu Cynaliadwy

- 4.3 Mae integreiddio'r asesiadau eraill hyn yn sicrhau y bydd modd mynd ati mewn ffordd gyson a thryloyw i gydweithio ar faterion gwahanol, ac i rannu gwybodaeth a nodi cysylltiadau rhwng pynciau. Mae hon yn ffordd gadarn a thrwyadl o nodi problemau a chyfleoedd, o asesu effeithiau, gan gynnwys effeithiau cronol ac uniongyrchol, ac o wneud gwaith monitro mewn ffordd holistaidd.
- 4.4 Bydd yr Arfarniad Integredig yn sicrhau bod polisiau a chynigion wedi eu llunio gan wybodaeth berthnasol ac yn rhoi cyfle i bobl gyfrannu. Bydd ymgynghori cyhoeddus yn rhan allweddol o'r broses.
- 4.5 Bydd yr Arfarniad Integredig yn cael eu gynnal ochr yn ochr â'r gwaith o ddatblygu'r FfDC. Mae'r tabl isod yn dangos y prif gamau ochr yn ochr â chamau 2 i 9 o'r FfDC (gweler tabl 2.1 ar gyfer camau'r FfDC). Er na ddisgwylir y bydd angen diweddarau'r Adroddiad Amgylcheddol yn ystod y camau olaf, os gwneir newidiadau sylweddol i'r FfDC, bydd cyfnod ymgynghori arall yn cael ei gynnal.

Cam y FfDC	Camau'r Asesiad Amgylcheddol Strategol	Amcangyfrif o'r amserlen
2	(A) Gosod y cyd-destun a'r amcanion, gan sefydlu llinell sylfaen a phenderfynu ar y cwmpas	Rhagfyr 2016 - Ebrill 2017
3	Ymgynghori ar Adroddiad Cwmpasu'r AAS	Ebrill 2017 - Gorff 2017
4	Ystyried yr ymatebion i Adroddiad Cwmpasu'r AAS (B) Datblygu a mireinio dulliau amgen ac asesu effeithiau (C) Paratoi'r Adroddiad Amgylcheddol	Gorff 2017 - Mawrth 2018
5	(D) Cyhoeddi ac ymgynghori ar adroddiadau ac asesiadau amgylcheddol ochr yn ochr â'r adroddiad ar y Prif Faterion, yr Opsiynau a'r Opsiwn a Ffebrir ar gyfer y FfDC (12 wythnos)	Ebrill- Mehefin 2018
6	Ystyried ymatebion i'r asesiadau a'r adroddiadau ymgynghori a pharatoi adroddiad ymgynghori	Gorff - Awst 2018
7	Diweddarau'r Adroddiad Amgylcheddol os bydd angen	Hydref 2018 - Mehefin 2019
8	Ymgynghori ar yr Adroddiad Amgylcheddol os bydd angen	Gorff - Medi 2019
9	Ystyried yr ymatebion i'r ymgynghoriad os bydd angen	Hydref 2019 - Mawrth 2020
	(E) Gweithredu, monitro ac adolygu	Medi 2020 ymlaen

Asesiad Rheoliadau Cynefinoedd

- 4.6 O dan un o Gyfarwydddebau'r UE, rhaid cynnal Asesiad Rheoliadau Cynefinoedd (ARhC) ar gyfer y FfDC. Bydd yr ARhC yn asesu a yw'r cynllun yn debygol o gael effaith sylweddol ar safle cadwraeth natur Ewropeaidd ym Mhrydain Fawr neu ar safle cadwraeth natur morol Ewropeaidd. Mae'n rhaid sgrinio'r opsiynau a'u hasesu'n briodol o dan y broses hon. Dim ond os gwelir na fydd y FfDC yn cael unrhyw effeithiau andwyol ar gyflwr y safleoedd dynodedig y ceir mabwysiadu'r FfDC. Os yw effaith o'r fath yn bosibl, dylai'r FfDC gael ei ddiwygio i osgoi effeithiau o'r fath. Dim ond o dan yr amgylchiadau mwyaf eithriadol y ceir mabwysiadu cynllun sy'n debygol o gael y fath effaith. Bydd canfyddiadau'r gwaith hwn yn dod yn rhan o'r Arfarniad o Gynaliadwyedd/Asesiad Amgylcheddol Strategol ar gyfer y FfDC.

Manylion Cyswllt

Cyfeiriad

Y Gangen Polisi Cynllunio, Y Gyfarwyddiaeth Gynllunio, Llywodraeth Cymru,
Parc Cathays, Caerdydd, CF10 3NQ

E-bost

ffdc@llyw.cymru

<mailto:ndf@wales.gsi.gov.uk>

Ffôn

0300 025 3261 / 0300 025 3744

Gwefan

www.llyw.cymru